

Rok za podnosenje zahtjeva u skladu sa članom 143 izmjenjenog i dopunjeno Federalnog Zakona o radu je 6. decembar 2000.god.

Ured Visokog predstavnika, OSCE i UNHCR zele da obavijeste gradjane koji su svojim bivsim poslodavcima podnijeli prijavu da ih stave na listu cekanja, ali kojima je ovo pravo uskraceno ili koji jednostavno nisu dobili konacan odgovor, da se trebaju prijaviti Komisiji za provedbu clana 143 Zakona o radu u kantonu gdje su bili zaposleni, kako bi se njihov slučaj ponovno ispitao. Ukoliko ova Komisija tek treba da bude uspostavljena u njihovom kantonu, ovi gradjani svoje slučajeve mogu poslati Ministarstvu za socijalna pitanja u njihovom kantonu u istom roku.

Član 143 Federalnog Zakona o radu predviđa da liste cekanja, sistem prema kojem je poslodavac i dalje odgovoran za doprinose za socijalno osiguranje te snizeni licni dohodak iako pojedinac ne radi, treba da budu ukinute. Oni koji se još uvijek nalaze na listama cekanja treba da se ponovno prime u radni odnos ili da dobiju konacnu i pravednu kompenzaciju.

Postoji mogucnost da mnogi gradjani koji su izgubili posao tokom rata i neposredno nakon rata u BiH nisu od strane svojih bivsih poslodavaca stavljeni na liste cekanja, iako isti bez obzira na sve imaju pravo na jednak tretman. Ovi gradjani mogu da se prijave svom bivsem poslodavcu kako bi bili stavljeni na listu cekanja a potom vraceni na posao ili kompenzirani onda kada se ukinu liste cekanja. U pojedinim slučajevima bivsi poslodavci možda nije implementirao zakon na nediskriminiran nacin, i iz ovog razloga izmjenom i dopunom Zakona o radu ustanovljavaju se komisije kako bi se osiguralo da bivsi poslodavci ispostuju svoje obaveze.

Gradjani koji smatraju da su njihovi bivsi poslodavci prema njima postupili nepravedno tako što ih nisu ukljucili na listu cekanja, ili ciji slučajevi još uvijek nisu rjeseni iz bilo kojeg razloga, treba da se prijave kantonalnoj Komisiji za provedbu Aneksa 143 izmjena i dopuna Zakona o radu. Ova Komisija može saslusati dokaze iznesene od strane uposlenika i poslodavca, može pozvati svjedočke i vjestake, a takodje ista ima pristup svim relevantnim informacijama i dokumentaciji kojom raspolazu nadležni organi i firme na koje se ovo odnosi. Bivsi uposlenici takodje imaju pravo da podnesu zalbu Federalnoj komisiji ukoliko budu smatrali da je odluka kantonalne Komisije pogresna.

Zakon određuje da se ove prijave, da bi bile validne, moraju podnijeti u roku od 90 dana od dana stupanja zakona na snagu, odnosno do 6. decembra 2000.god. Buduci da mnoge od kantonalnih Komisija još uvijek nisu uspostavljene, prijave bivsih uposlenika se preporucenom postom trebaju poslati kantonalnom Ministarstvu za socijalna pitanja u kantonu gdje su bili zaposleni, sa naznakom da su namijenjene za kantonalnu Komisiju za provedbu clana 143. Sve prijave treba da sadrže samo zalbu u pismenoj formi. U slučajevima gdje su gradjani zapoceli gradjanski parnicni postupak pred sudom, sud će sve predmete prebaciti kantonalnim Komisijama.

OHR, OSCE, UNHCHR i UNHCR preporučuju svim gradjanima na koje se ovo odnosi da svoje zahtjeve podnesu što je prije moguce, a u svakom slučaju najkasnije do 6. decembra 2000.god. kako bi osigurali da se njihov slučaj rjesi te zastiti njihovo pravo na kompenzaciju.